

Ataatsimiinnermi oqaluuserisassat:

Siulequt.

- Imm. 01 Oqaluuserisassat akuersissutigineri.
- Imm. 02 Kommunalbestyrelsimi qinikkatut sulinngikkallarnissamik qinnuteqaat – Karl Lyberth.
- Imm. 03 Borgmesterimik qinersineq.
- Imm. 04 Ataatsimiititalianut ilaasortassanik qinersinermut atatillugu qinerseqatigiinnissamik nalunaarnerit.
- Imm. 05 Borgmesterip tullianik aamma borgmesterip tulliata aappaannik qinersineq.
- Imm. 06 Qeqqata Kommuniani kommunip susassa qarfiinik aqutsinermik ileqqoreqqusanik allannguinissamut siunnersuut.
- Imm. 07 Aningaasaqarnermut ataatsimiititaliami ilaasortanik qinersineq.
- Imm. 08 Teknikkimut Avatangiisinullu ataatsimiititaliamut ilaasortanik qinersineq.
- Imm. 09 Ilaqutariinnermut ataatsimiititaliamut ilaasortanik qinersineq.
- Imm. 10 Ilinniartitaanermut Kulturimut Sunngiffimmullu ataatsimiititaliamut ilaasortanik qinersineq.
- Imm. 11 Inuussutissarsiutinut Suliffissaqartitsiniarnermullu ataatsimiititaliamut ilaasortanik qinersineq.
- Imm. 12 Aatsitassanut Attaveqatigiinnermullu ataatsimiititaliamut ilaasortanik qinersineq.
- Imm. 13 Kalaallit Nunaanni Kommuneqarfiit Kattuffianni aallartitat ataatsimiittarnissaannut aallartitassanik qinersineq.
- Oqaluuserisassanut ilassutit**
- Imm. 14 Qeqqata Kommuniani qatserisartoqarnermut ataatsimiititaliamut ilaasortassanik toqqaaneq.**
- Imm. 15 Qeqqata Kommuniani qinersinermik siulersuisunut ilaasortanik qinersineq.**
- Imm. 16 Qeqqata Kommuniani atuisartunut pisisartunullu ataatsimiititaliamut ilaasortanik qinersineq.**
- Imm. 17 Qeqqata Kommuniani Inuussutissarsiutitigut Siunnersuisoqatigiinnut ilaasortanik qinersineq.**
- Imm. 18 Qeqqata Kommuniani Inuussutissarsiutitigut Piorsaanermik ataatsimiititaliamut ilaasortanik qinersineq.**
- Imm. 19 Sisimiuni Kulturikkut illorsuup Taseraliup siulersuisuinut ilasortanik qinersineq.**
- Imm. 20 Sisimiuni Timersortarfiup siulersuisuinut ilaasortanik qinersineq.**
- Imm. 21 Sisimiuni Katersugaasiviup siulersuisuinut ilaasortanik qinersineq.**



- Imm. 22** Maniitsup Timersortarfiata siulersuisuinut ilaasortanik qinersineq.
- Imm. 23** Maniitsup Katersortarfiata siulersuisuinut ilaasortanik qinersineq.
- Imm. 24** Maniitsup Katersugaasiviata siulersuisuinut ilaasortanik qinersineq.
- Imm. 25** "Maniitsumi Naluttarfik"-mut ilaasortamik qinersineq.
- Imm. 26** Sisimiuni Knud Rasmussenip Højskoleata siulersuisuinut ilaasortamik qinersineq.
- Imm. 27** Sivdleq-mut siulersuisuinut ilaasortassamik qinersineq.
- Imm. 28** Aningaasaqarnermut ataatsimiititaliap kommunalbestyrelsillu 2013-imi
ataatsimiiffissaannut siunnersuut.
- Imm. 29** Tamalaat.



Ataatsimiinneq Sisimiuni kommunalbestyrelsip ataatsimiittarfiani ingerlanneqassaaq
aallartissallunilu nal. 8:30

Peqataasussat:

Atassut

Siverth K. Heilmann, Maniitsoq
Tønnes Kreutzmann, Kangaamiut
Mette Sofie Lerch, Sisimiut
Bitten Heilmann, Maniitsoq

Inuit Ataqtigiit

Agathe Fontain, Sisimiut
Malene Ingemann, Sisimiut

Siumut

Hermann Berthelsen, Sisimiut
Gedion Lyberth, Maniitsoq
Hans Frederik Olsen, Sisimiut
Aqqalu Skifte, Maniitsoq
Evelyn Frederiksen, Sisimiut
Marius Olsen, Sisimiut
Jakob Olsen, Sisimiut
Klaus R. Berthelsen, Maniitsoq
Alfred Olsen, Sisimiut

Nalunaaruteqarlutik peqataannngitsut:

Nalunaaruteqaratik peqataannngitsut

Siulequt

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi (aqutsinermi inatsit) § 4 imm. 1-imi immikkoortup aappa malillugu, ataatsimiigiaqqusineq allaganngorlugu kommunalbestyrelsimi sivisunerpaamik ilaasortaasimasumit isumagineqassaaq, sivisunerpaamillu ilaasortaasimasut arlaqarpata, taava taakkua angajullersaannit.

Aqutsinermit inatsimmi §§ 6-7 malillugit kommunalbestyrelsip inissitsiternera pissaaq.

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-meersumi (qinersinermi inatsit) §§ 49-52 malillugit Qinersinermit Ataatsimiititaliamut qinersinerup ingerlasimaneranik naammagittaalliortoqarsimanngimmat, qinersineq akuerineqartutut isigineqarpoq.

Qinigaasinnaassuseq pillugu Ataatsimiititaliap allattoqarfianiit apriilip 25-ani 2013-imi mailikkut nalunaarutigineqarpoq Qeqqata Kommuniani kommunalbestyrelsimi ilaasortannortut tamarmik qinigaasinnaassuseqartut.

Ilisimatitsissutitut aamma nalunaarutigineqassaaq, soorlu ullormut oqaluuserisassani takuneqarsinnaasoq, ataatsimiititalianut ataavartunut aamma Kalaallit Nunaani Kommuneqarfiit Kattuffianni aallartitanik qinersisoqassasoq. Ataatsimiititalianut allanut, kommissioninut, siulersuinut taamaaqataannullu aamma toqqaasoqassasaaq.

Ilanngussaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Imm. 01 Oqaluuserisassat akuerineqarneri

Aalajangiineq



Imm. 02 Kommunalbestyrelsimi qinikkatut sulinnikkallarnissamik qinnuteqaat – Karl Lyberth

Journalnr. 01.01.03

Tunuliaqutaq

2013-imi marsip aqqaneq-aappaani Inatsisartunut qinersereernerup kingorna, 2013-imilu aprilip tallimaani Inatsisartut ataatsimiinnerini Naalakkersuisunut ilaasortatut toqqagaareernerup kingorna, Aalisarnermut, Piniarnermut Nunalerinermullu Naalakkersuisunngornini peqqutigalugu Karl Lybert kommunalbestyrelsimi qinikkatut sulinnikkallarnissamik qinnuteqarpoq.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersoq § 54 ima allassimavoq:

Imm.1 Ilaasorta qinigaaffiup iluani kommunalbestyrelsimi tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq.

Imm. 2. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginnaasumik akuerineqassaaq.”

Pissutsit atuuttut

Qinnuteqaat tunngavissaqarluarmat, qinnuteqaat akuerineqartariaqarpoq.

Karl Lyberth-ip kommunalbestyrelsimi qinikkatut sulinnikkallarninerani, Siumumiit sinniisussatut allattorsimaffik naapertorlugu, siullertut allassimasoq Alfred Olsen kommunalbestyrelsimi ilaasortannussaaq.

Innersuussut

Kommunimi pisortaanerut kommunalbestyrelsimut tullinnguuttut akuerisassanngorlugit innersuussutigai:

1. Kommunalbestyrelsimi nutaami Karl Lyberth kommunalbestyrelsimi qinikkatut sulinnikkallarnissaa akuersissutigineqassasoq, qinigaaffimmilu matumani Naalakkersuisuni ilaasortaattilluni sulinnikkallassasoq
2. Karl Lyberth-ip kommunalbestyrelsimi qinikkatut sulinnikkallarninerani, Alfred Olsen kommunalbestyrelsimi ilaasortannussasoq

Aalangiineq

Ilanngussaq

1. Karl Lyberth-ip kommunalbestyrelsimi qinikkatut sulinnikkallarnissamut qinnuteqaataa, ulluligaasoq 12. april 2013

Imm. 03 Borgmesterimik qinersineq

Borgmesterimik qinersineq

Borgmesterimik qinersineq, aqutsinermi inatsimmi § 4 imm. 2 malillugu, kommunalbestyrelsimi sivilsunerpaamik ilaasortaasimasumit aqunneqassaaq.

Hermann Berthelsen, Qeqqata Kommuniani kommunalbestyrelsimut qinegaaqqammersuni sivilsunermik ilaasortaasimagami, ataatsimiigiasuisuvoq.

Aqutsinermi inatsimmi §§ 6 aamma 7 malillugit kommunalbestyrelsi borgmesterimik, borgmesterip tullianik borgmesterillu tulliaata aappaanik qinersissapput.

Borgmesterimik qinersineq, aqutsinermi inatsimmi § 6, imm. 2 malillugu, qinigassanngortittoq borgmesteritut qinigaassaaq taasisut affaanit amerlanerusunit qinerneqaruni (amerlanerussuteqavanneq), tassa ilaasortat tamarmiullutik peqataappata taasisut 8-sariaqarlutik.

Taamatut amerlanerussuteqarneq anguneqanngippat, nutaamik taasineqassaaq.

Aappasaanik taasinermi qineqqusaartut arlaat amerlanerussuteqarpat taasinermiluunniit tassani ataa-siinnaq taaneqarsimappat, pineqartoq qinigaassaaq.

Aappasaanik taasineq aalajangiisoqarfiunngippat, aappasaanik taasinermi amerlanerussuteqartut marluk taasissutigineqassapput, taakkulu (pingajussaanik) qinersinermi amerlaqatigiinnik qinerneqar-pata makitsinikkut aalajangiiffigineqassallutik.

Pingajussaanik qinersinermi taasisut naligiippata, makitsinikkut aalajangiisoqassaaq.

Aalajangiineq

Imm. 04 Ataatsimiititalianut ilaasortassanik qinersinermut atatillugu qinerseqatigiinnissamik nalunaarnerit

Aqutsinermut inatsimmi § 35 naapertorlugu ataatsimiititalianut il.il. marlunnik amerlanerusunilluunniit ilaasortaasussalinnut qinersinermi, ataatsimiititaliat ataasiakkaarlugit taasisut amerlassusii tunngavigalugit agguaassineqassaaq.

Ataatsimiititalianut il.il. siulittaasup pinngitsoorani ilaasortaaffigisassaanut ilaasortaasussanik qinersinermi, qinerseqatigiit amerlassusii tunngavigalugit agguaanermi, agguaanermi borgmesteri qinerseqatigisaanut ilanngullugu naatsorsuineqassaaq (§ 35 imm. 2).

Qinerseqatigiinnermi qanoq amerlassuseqarneq tunngavigalugu agguaaneq malittarisassat (§ 35 imm. 4) naapertorlugit d'Hondts-ip agguaariaasia toqqammavigineqassaaq:

Kommunalbestyrelsimut ilaasortat qinerseqatigiittussanut agguarneqassapput, qinersinermilu aalajangersimasumi qinerseqatigiinni siulittaasumut qinerseqatigiinnertik nalunaarutigissallugu. Qinerseqatigiit amerlassusaat 1-mik, 2-mik, 3-mik il.il. avineqartassapput. Tamatuma kingorna inernerisigut, qinerseqatigiit kimik toqqaasinnaanerisa tullerriaarneri paasineqassapput. Inernerit 2 amerlanerusulluunniit naligiippata tullerriaarineq makitsinikkut aalajangerneqassaaq.

Qinerseqatigiit sinniisuutitassaasa amerlassusissaat aalajangerneqareerpat, qinerseqatigiit kikkut inissaritaminnut sorlernut toqqarsimallugit piaartumik borgmesterimut nalunaarutigissavaat. Qinerseqatigiit arlaata sinniisoqartitsisinnaanertik atorumannigippassuk, inissaalersut qinerseqatigiinnut sinneruttunut siuliani agguaaneq malillugu agguanneqassapput.

Aningaasaqarnermut ataatsimiititaliamik ataatsimiititalianillu ataavartunik pilersitsinermi imm. 07-12, sinniisussat peqatigitillugit toqqarneqassapput, taakkulu ataavartumik ilaasortaasup peqataasinnaanginnerani ataatsimiigiaqquneqarsinnaassallutik. Aqutsinermut inatsimmi § 26, imm. 2 naapertorlugu, **ataatsimiititaliani ataavartumik ilaasortaasut ataasiakkaarlugit aalajangersimasumik sinniisusaannik toqqaasoqassaaq.**

Aalajangiineq



Imm. 05 Borgmesterip tullianik aamma borgmesterip tulliaata aappaannik qinersineq

Qinersineq borgmesterimit qinigaqqammersumit aqunneqassaaq, peqataanngippallu ilaasortamit borgmesterimik qinersinermut aqutsisumit aqunneqassalluni, aqutsinermullu inatsimmi § 6, imm. 3-mi malittarisassat naapertorlugit pissalluni. Qiniseqatigiinnermi qanoq amerlassuseqarneq tunngavigalugu § 35 tunngavigalugu qinersineq ingerlanneqassaaq. Borgmesterimik aamma borgmesterip tullianik qinersineq kommunalbestyrelsip piffissami qinigaaffiani atuutissaaq

Aalajangiineq

Imm. 06 Qeqqata Kommuniani kommunip susassaqrffiinik aqutsinermik ileqqoreqqusanik allannguinissamut siunnersuut

Journalnr. 01.00.01

Tunuliaqutaq

Pisuussutsit uumassusillit pillugit nutaamik ataatsimiititaliamik piniarnermut aalisarnermullu tunngasunik inuussutissarsiornernik suliaqartussanik ilassutitalerlugit, kommunalbestyrelsimi qinigaasut nutaat suleqatigiit aqutsinermik ileqqoreqqusat allanngortinneqarnissaat iluminni isumaqatigiissutigaa.

Aqutsinermi inatsit §, imm.2 naapertorlugu, aqutsinermik ileqqoreqqusamut nutaamut imaluunniit allannguutissatut siunnersuut kommunalbestyrelsimi marloriarluni, tassa minnerpaamik ulluni 14-
ini akutussuseqartumik suliarineqassaaq.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq (aqutsinermi inatsit)

Pissutsit atuuttut

Maannakkut aqutsinermut ileqqoreqqusaq naapertorlugu tullinnguuttutigut ataatsimiititaliaqarpoq

1. Aningaasaqarnermut ataatsimiititaliaq, aqutsinermut inatsit § 24, stk. 1, ataatsimiititaliamut borgmesteri siulittaasuvoq
2. Teknikkimut Avatangiisinullu ataatsimiititaliaq, tallimanik ilaasortaqqarpoq.
3. Inuussutissarsiuutinut Suliffissaqartitsiniarnermullu ataatsimiititaliaq, tallimanik ilaasortaqqarpoq.
4. Ilaqutariinnermut ataatsimiititaliaq, tallimanik ilaasortaqqarpoq.
5. Ilinniartitaanermut, Kulturimut Sunngiffimmullu ataatsimiititaliaq, tallimanik ilaasortaqqarpoq.
6. Pisuussutit uumassusillit pillugit ataatsimiititaliaq, tallimanik ilaasortaqqarpoq.

Pisuussutsit uumassusillit pillugit ataatsimiititaliamik nutaamik ilanngussinermi, tassa piniarnermik aalisarnermillu inuussutissalerinermik suliaqartunik Aatsitassanut attaveqatigiinnermullu ataatsimiititaliamut, pisuussutsinik uumassuseqanngitsunik suliaqartartunut illuatungiussapput, aaqqissuussaankullu qullersaqarfiup ataani ataatsimiititaliaq inissinneqassaaq, tassungalu kommunip pisortaanera allaffissornikkut akisussaasuussalluni. Ulluinnarni allatseqarneq qullersaqarfiup allatseqarfianit ingerlanneqassaaq.

Pisuussutsit uumassusillit pillugit ataatsimiititaliap piniarnermut aalisarnermullu tunngasut tamaasa pingaarnertut suliassarai, soorlu umimmannik ungoorilluni piniarneq ilanngullugu. Aalisarnermut piniarnermullu ileqqoreqqusanik suliaqarneq, arferit pisassarititat agguanneqarneri, qilalukkat qernertat qaqortallu ilanngullugit. Piniarnermut aalisarnermullu il.il. tunngasutigut tusarniaanernut akissuteqarneq. Ataatsimiititaliaq ingerlatsinermut kontonik ingerlataqassanngilaq.

Aningaasaqarnikkut allaffissornikkullu kingunerisinnaasai

Aningaasaqarnermut kingunerisinnaasat eqqarsaatigalugit, ataatsimiititaliani siulittaasut akissarsiassaasat annikinnerulissapput, akissarsiassat ataatsimiititaliani siulittaasunut agguanneqartarmat.

Allaffissornikkut kingunerisinnaasat eqqarsaatigalugit, allaffissornikkut sulineq annertusissaaq, tassami ataatsimiititalianik sullissineq allaffissornikkut oqimaareermat, oqaluuserisassat suliarineqarnerisigut, ataatsimiititaliat ataatsimiinnissanik ataqatigiissaarinikkut kiisalu ataatsimiititaliap ataatsimiinnissaanut aggersaanikkut.

Qullersaqarfimmit oqaaseqaatit

Immikkut oqaaseqaatitassaqaanngilaq.

Allaffeqarfiup naliliinera

Teknikkimut Avatangiisinullu ataatsimiititaliani konto 2 akisussaaffimmi pisuussutit uumassusillit ilaasut allaqqavoq, tassanili qimmit qitsuillu pineqarlutik. Konto taanna TAA-p akisussaaffiit ilaaginnassaaq.

Innersuussut

Kommunalbestyrelsimi aqutsinermut ileqqoreqqusaq siullermeerlugu suliarineqassasoq, juunimilu aappassaaneerseqarnissaanut allannguutissaqarnerisigut saqqummiussisoqassasoq, allaffeqarfimmit innersuussutigineqarpoq.

Aalajangiineq

Ilanngussaq

1. Qeqqata Kommuniani aqutsinermut ileqqoreqqusanut siunnersuut

Imm. 07 Aningaasaqarnermut ataatsimiititaliami ilaasortanik qinersineq

Ataatsimiititaliaq aqutsinermut inatsimmi § 24 naapertorlugu pilersinneqarpoq.

Ataatsimiititaliami ilaasortat tassaassapput siulittaasoq, taannalu ataatsimiititaliami siulittaasuussalluni, kiisalu kommunalbestyrelsimi ilaasortat allat sisamat.

Aalajangiineq

Imm. 08 Teknikkimut Avatangiisinullu ataatsimiititaliamut ilaasortanik qinersineq

Ataatsimiititaliaq ataavartumik ataatsimiititaliaavoq, aqutsinermullu inatsimmi § 26 naapertorlugu pilersinneqarluni.

Kommunalbestyrelsimi ilaasortat tallimat toqqassavai.

Aalajangiineq

Imm. 09 Ilaqutariinnermut ataatsimiititaliamut ilaasortanik qinersineq

Ataatsimiititaliaq ataavartumik ataatsimiititaliaavoq, aqutsinermullu inatsimmi § 26 naapertorlugu pilersinneqarluni.

Kommunalbestyrelsimi ilaasortat tallimat toqqassavai.

Aalajangiineq

Imm. 10 Ilinniartitaanermut Kulturimut Sunngiffimmullu ataatsimiititaliamut ilaasortanik qinersineq

Ataatsimiititaliaq ataavartumik ataatsimiititaliaavoq, aqutsinermullu inatsimmi § 26 naapertorlugu pilersinneqarluni.

Kommunalbestyrelsimi ilaasortat tallimat toqqassavai.

Aalajangiineq

Imm. 11 Inuussutissarsiutinut Suliffissaqartitsiniarnermullu ataatsimiititaliamut ilaasortanik qinersineq

Ataatsimiititaliaq ataavartumik ataatsimiititaliaavoq, aqutsinermullu inatsimmi § 26 naapertorlugu pilersinneqarluni.

Kommunalbestyrelsimi ilaasortat tallimat toqqassavai.

Aalajangiineq

Imm. 12 Aatsitassanut Attaveqqaqatigiinnermullu ataatsimiititaliamut ilaasortanik qinersineq

Ataatsimiititaliaq ataavartumik ataatsimiititaliaavoq, aqutsinermullu inatsimmi § 26 naapertorlugu pilersinneqarluni.

Kommunalbestyrelsimi ilaasortat tallimat toqqassavai.

Aalajangiineq

Imm. 13 Kalaallit Nunaanni Kommuneqarfiit Kattuffianni aallartitat ataatsimiittarnissaannut aallartitassanik qinersineq

Ilaasortat marluk sinniisussallu marluk kommunalbestyrelsimit toqqarneqassapput Kattuffiup malittarisassaani 13. januar 2011-meersumi § 5, imm. 1 malillugu

” Kommunit sisamaasut borgmesterii sisamaasut aallartitatut katersuuttartunut aalajangersimasumik ilaasortaapput. Taakkua saniatigut kommunalbestyrelsit kommunalbestyrelsinut qinersisoqareersimatsiarpat aallartitassamik 1-imik qinersissapput. Taakkua saniatigut kommunimi innuttaasut amerlassusiisa 10.000-inik aallartitsineri tamaasa aallartitassamik ataatsimik qinersisoqassaaq. Tamatuma peqatigisaanik kommunalbestyrelsit aallartitat sinniisussaannik qinersissapput.”

Aalajangiineq

Imm. 14 Qeqqata Kommuniani qatserisartoqarnermut ataatsimiititaliamut ilaasortassanik toqqaaneq

Tunuliaqutaq

Qeqqata Kommuniani qatserisartoqarnermut ataatsimiititaliamut ilaasortassanik toqqaasoqassaaq.

Malruagassatigut tunngavissaq

Ikuallannaveersaartitsineq qatserinerlu pillugit Inatsisartut peqqussutaat nr. 6, 30. oktober 1992-imeersoq.

§ 2. Kommunip qatserisartoqarnerani kominunalbestyrelsi qullersaasumik siulersuisuussaaq. Nalinginnaasumik siulersuineq ingerlanneqassaaq kommunip qatserisartoqarnermut ataatsimiititaliaanit, taamaattorli takuuk imm. 4.

Imm. 2. Qatserisartoqarnermut ataatsimiititaliaq arfinilinnik ilaasorta qarpoq, taakkunannga sisamat kommunalbestyrelsimut toqqakkat. Taakkunannga pingasut kommunalbestyrelsimut ilaasortaassapput, ataaserlu kommunimi teknikkikkut ingerlatsivimmi atorfiluissalluni. Qatserisartoqarnermut ataatsimiititaliamut ilaasortaapputtaaq qatserisartoqarnermik nakkutilliisoq, brandinspektøri, ilaasortarluni ataaseq Kalaallit Nunaanni Politimesterimit toqqagaq.

Imm. 3. Qatserisartoqarnermut ataatsimiititaliap siulittaasussaa kommunalbestyrelsip toqqassavaa kommunalbestyrelsimut ilaasortat kommunalbestyrelsip toqqagaasa akornannit.

Imm. 4. Qinnuteqartoqarnerata kingorna naalakkersuisut akuersaarsinnaavaat siulersuineq kommunimi ataatsimiititaliamit allami isumagineqassasoq.

Pissutsit atuuttut

Kommunalbestyrelsimi maannakkut atuuttumi Teknikkimut Avatangiisinullu Ataatsimiititaliaq aamma Brandkommissioniuvoq, tassanittaaq politiinit toqqagaq, upalungaarsimanermilu pisortamik sulit atorfinitsitsisoqanngimmat brandinspektørit ilaasortaallutik.

Aningaasaqarnikkut allaffissornikkullu kingunerisinnaasai

Teknikkimut avatangiisinullu ataatsimiititaliaq peqatigitillugu qatserisartoqarnermut ataatsimiititaliaaguni aningaasatigut sipaarutaassaaq. Ilaatigut immikkut toqqakkanik marlunnik ilaasortalimmik, tassa Teknikkimut avatangiisinullu ataatsimiititaliaq tallimanik ilaasorta qarmat qatserisartoqarnermullu ataatsimiititaliami ilaasortat pingasut kommunalbestyrelsimertussaammata. Taamaalilluni Teknikkimut avatangiisinullu ataatsimiititaliap ataatsimiineranut atatillugu ataatsimiissinnaassammata.

Allaffeqarfiup naliliinera

Allaffeqarfik naliliivoq, Teknikkimut avatangiisinullu ataatsimiititaliami ilaasortat aamma Qatserisartoqarnermut ataatsimiititaliami politikikkut ilaasortaataappata annertuumik ingerlatsinikkut sipaartoqarsinnaassasoq.

Innersuussut

Allaffeqarfiup kommunalbestyrelsimut akuereqqullugu innersuussutigissavaa,

Teknikkimut Avatangiisinullu ataatsimiititaliami ilaasortat upalungaarsimanermilu pisortaq Qeqqata kommunalbestyrelsiata qatserisartoqarnermut ataatsimiititaliaatut toqqarneqassasut.

Aalajangiineq

Ilanngussaq

Ilanngussaqangilaq

Imm. 15 Qeqqata Kommuniani qinersinermik siulersuisunut ilaasortanik qinersineq

Qinersinermik siulersuisoqarnissaq peqqussutaavoq, kommunalbestyrelsinut nunaqarfinnilu aqutsisunut qinersineq pillugu Inatsisartut inatsisaanni nr. 7-imi, 3. december 2012-imeersumi § 9, imm. 1 naapertorlugu pilersinneqassalluni.

Qinersinermik siulersuisunut ilaasortaasut tassaassapput borgmesteri kommunalbestyrelsimullu ilaasortat ikinnerpaamik pingasut kommunalbestyrelsimit qinerneqartut. Qinersinermik siulersuisunut borgmesteri siulittaasuusaaq.

Aalajangiineq

Ilanngussaq

Ilanngussaqanngilaq

Imm. 16 Qeqqata Kommuniani atuisartunut pisisartunullu ataatsimiititaliamut ilaasortanik qinersineq

Ataatsimiititaliap pilersinnissaa peqqussutaavoq, atuisunut pisisartunullu siunnersuisoqatigiit, tuninaasarneq, nalunaaqutsersuineq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaanni nr. 10-mi, 13. november 1986-imeersumi § 6 naapertorlugu pilersinneqassalluni.

Ilaasortaasussat marluk (2) kommunalbestyrelsimit toqqarneqassapput, taassumalu aappaa kommunalbestyrelsimut ilaasortaassalluni.

(KNAPK-mi immikkoortortaarfik, SIK-p immikkoortortaarfia, arnat peqatigiiffiat, tamarmik 1-mik ilaasortaataqassapput).

§ 6, imm. 3 naapertorlugu, ilaasortat ataasiakkaarlutik sinniisussaat toqqarneqassapput. Ilaasortaqaq ataaseq sinniisussarlu kommunalbestyrelsimit toqqarneqassapput.

Aalajangiineq

Ilanngussaq

Ilanngussaqanngilaq

Imm. 17 Qeqqata Kommuniani Inuussutissarsiutitigut Siunnersuisoqatigiinnut ilaasortanik qinersineq

Ilaasortat pingasut peqataatitatut kommunalbestyrelsimit toqqarneqassapput, Qeqqani Inuutissarsiornermut Siunnersuisoqatigiit malittarisassai 23. maj 2012-meersumi allaqqasoq tunngavigalugu:

”§ 12.1

Siulersuisut ataatsimiinnerini Qeqqata Kommunian partiinit tamanit inummik ataatsimik kommunalbestyrelsimut ilaasortamik taasisinnaatitaanngitsumik peqataatitaqarsinnaapput.”

Aalajangiineq

Ilanngussaq

1. Qeqqani Inuutissarsiornermut Siunnersuisoqatigiit malittarisassai 23. maj 2012-meersoq.

Imm. 18 Qeqqata Kommuniani Inuussutissarsiutitigut Piorsaanermik ataatsimiititaliamut ilaasortanik qinersineq

Aningaasaqarnermut ataatsimiititaliami ilaasortat Inuussutissarsiutitigut piorsaanermik ataatsimiititaliami ilaasortattut toqqarneqassasut allaffeqarfiup innersuussutigaa.

Aalajangiineq

Ilanngussaq

1. Kiffartuussinissamik isumaqatigiissut 2013

Imm. 19 Sisimiuni Kulturikkut illorsuup Taseraliup siulersuisuinut ilasortanik qinersineq

Ilaasortat marluk kommunalbestyrelsimit toqqarneqassapput.

Aalajangiineq

Ilanngussaq

1. Taseraliup malittarisassai

Imm. 20 Sisimiuni Timersortarfiup siulersuisuinut ilaasortanik qinersineq

Ilaasortat marluk kommunalbestyrelsimit toqqarneqassapput.

Aalajangiineq

Ilanngussaq

1. Sisimiuni timersortarfiup malittarisassai

Imm. 21 Sisimiuni Katersugaasiviup siulersuisuinut ilaasortanik qinersineq

Ilaasortat marluk sinniisussallu marluk kommunalbestyrelsimit toqqarneqassapput.

Aalajangiineq

Ilanngussaq

1. Sisimiuni Katersugaasiviup malittarisassai

Imm. 22 Maniitsup Timersortarfiata siulersuisuinut ilaasortanik qinersineq

Maniitsup Timersortarfia imminut aningaasatigut ingerlattuvoq, taannalu siulersuisoqarpoq tallimanik ilaasortaartumik.

Kommunalbestyrelsi toqqaassaaq siulersuisunut ilaasortassanik marlunnik.

Inatsisitigut tunngaviusoq: Timersortarfiit imminnut aningaasatigut ingerlattut pillugit Namminersornerullutik Oqartussat kaajallaasitaat

Aalajangiineq

Ilanngussaq

1. Maniitsumi Timersortarfiup malittarisassai

Imm. 23 Maniitsup Katersortarfiata siulersuisuinut ilaasortanik qinersineq

Katersortarfiup peqatigiiffiata siunertaraa ataavartumik isersimaartarfilimmik naammaginantumik ataatsimoorfissaqarsinnaaneq oqalugiartitsinermik, ataatsimiiffiunermik, filmertitsinermik, nalliuttorsiornermik naapeqatigiinnernik kiisalu peqatigiiffinnut aningaasarsiorfittut ingerlatsinissaq. Katersortarfik aqunneqarpoq siulersuisunik tallimanik ilaasortalimmik, taakkunungalu kommunalbestyrelsi aallartitai marluk ilaalersimapput oqaaseqarsinnaatitaallutillu taaseqa-taasinnaasut.

Aalajangiineq

Ilanngussaq

1. Maniitsup Katersortarfiata malittarisassai

Imm. 24 Maniitsup Katersugaasiviata siulersuisuinut ilaasortanik qinersineq

Katersugaasiveqarneq toqqorsiveqarnerlu pillugit Inatsisartut Peqqussutaat nr. 4 ullormi 18. maj 1990-imeersoq malillugu kommunalbestyrelsi ilaasortami akornannit inuit pingasut toqqartussaavai, taakkualu sinniisussaaf.

Aalajangiineq

Ilanngussaq

1. Maniitsup Katersugaasiviata malittarisassai

Imm. 25 "Maniitsumi Naluttarfik"-mut ilaasortamik qinersineq

Journalnr. 01.04.00

Baggrund

Peqatigiiffiup Maniitsumi Naluttarfiup siunertaraa Maniitsumi naluttarfittaarnissap piviusunngortinneqarnissaa.

Peqatigiiffiup "Maniitsumi Naluttarfik"-up malittarisassani § 4 imm. 3, G1 malillugu, Qeqqata Kommuniani kommunalbestyrelsimi ilaasortassamik ataatsimik, taassumalu inuttut sinniisussaanik, toqqaasoqassaaq. Toqqarneqartut Maniitsumi najugaqartuussapput.

Aalajangiineq

Ilanngussaq

1. Maniitsumi Naluttarfiup malittarisassai

Imm. 26 Sisimiuni Knud Rasmussenip Højskoleata siulersuisuunut ilaasortamik qinersineq
Ilaasortaq ataaseq kommunalbestyrelsimit toqqarneqassaaq.

Aalajangiineq

Ilanngussaq

1. Knud Rasmussenip Højskoleata malittarisassai

Imm. 27 Sivdleq-mut siulersuisuunut ilaasortassamik qinersineq

Sivdleq²-up malittarisassaani § 3 imm. 1 malillugu ilaasortaq ataasq kommunalbestyrelsimi toqqassavaa.

Aalajangiineq

Ilanngussaq

1. Sivdleq²-up malittarisassai

Imm. 28 Aningaasaqarnermut ataatsimiititaliap kommunalbestyrelsillu 2013-imi ataatsimiiffissaannut siunnersuut

Journalnr. 01.01.01

Aningaasaqarnermut ataatsimiititaliap kommunalbestyrelsillu 2013-imi ukiup sinneranut ataatsimiiffissanut siunnersuut.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaatikku/videokonferenciluunniit atorlugu ingerlanneqartassallutik.

Aningaasaqarnermut ataatsimiititaliap	Kommunalbestyrelsi
07. maj	
28. maj	06. juni
20. august	29. august
17. september – 2014-imut missingersuutit siullermeernerit	26. september – 2014-imut missingersuutit siullermeernerit
22. oktober – 2014-imut missingersuutit aapassaanneernerit	31. oktober - 2014-imut missingersuutit aapassaanneernerit
26. november	05. december
	Pisussat allat
	26.-28. august - 2014-imut missingersuutit pillugit isumasioqatigiinneq

Innersuussut

Ataatsimiiffisat siuliani taaneqartut, kommunalbestyrelsimii akuerineqassasut, Qullersaqarfiup innersuussutigaa.

Aalajangiineq

Ilanngussaq

1. 2013-imut ullorsiutit

Imm. 29 Tamalaat

Ataatsimiinneq naammassivoq nal.

